

ՀԻՆՔ ՔԱՐ՝ ՀՍԿԱՆԵՐԻ ԴԵՄ

ԲԱՆԱԼԻ ՀԱՄԱՐ. Ա ԹԱԳ. 17.40-54

40 Դավիթը իր մահակը ձեռքն առավ, հեղեղատից հինգ գայլախազ քարեր ջոկեց իր համար և դրանք դրեց իր հովվական ամանի, այսինքն՝ մախաղի մեջ, և պարսատիկը ձեռքին՝ մոտեցավ փղշտացուն:

45 Եվ Դավիթն ասաց փղշտացուն. Դու ինձ վրա սրով, նիզակով և տեգով ես գալիս, իսկ ես քեզ վրա գալիս եմ Իսրայելի զորքերի Զորությունների Տիրոջ՝ Աստծու անունով, որին դու նախատեսիր: 46 Այսօր Տերը քեզ իմ ձեռքը կմատնի, և ես կսպանեմ քեզ ու գլուխդ կկտրեմ քո վրայից և փղշտացիների բանակի դիակներն այսօր կտամ երկնքի թռչուններին ու երկրի գազաններին, որպեսզի ամբողջ երկիրն իմանա, որ Իսրայելն Աստված ունի: 47 Եվ այս ամբողջ բազմությունն իմանա, որ Տերը սրով ու նիզակով չէ, որ ազատում է, որովհետև այս պատերազմը Տիրոջն է, և նա ձեզ պիտի մատնի մեր ձեռքը: 48 Եվ երբ փղշտացին վեր կացավ ու գալիս էր Դավթի դեմ և մոտեցավ նրան, Դավիթն էլ արագ վազեց պատերազմի ասպարեզը՝ փղշտացուն դիմավորելու: 49 Եվ Դավիթը իր ձեռքը կոխեց մախաղի մեջ, այնտեղից մի քար առավ և պարսատիկով նետեց այն ու զարկեց փղշտացու ճակատին. քարը խրվեց նրա ճակատի մեջ, և նա երեսնիվայր ընկավ գետին:

51 Եվ Դավիթը վազեց, կանգնեց փղշտացու վրա, բռնեց նրա սուրը, հանեց պատյանից, սրով սպանեց նրան և ապա սրով կտրեց գլուխը:

- Չհինգ քարերը հոգևոր զենքեր են, որոնք Աստված այսօր էլ տալիս է Իր ժողովրդին:

40 հեղեղատից հինգ գայլախազ քարեր ջոկեց...

I. ՔԱՐ #1 – ԻՆՔՆՈՒԹՅՈՒՆՆ ԸՆԴԴԵՄ ԱՆԱՊԱՅՈՎՈՒԹՅԱՆ

- **Ներքին հարձակումներ Դավթի վրա.**

Եղիաբը մեղադրում էր Դավիթին Չպարտության մեջ

Սավուղը չի հավատում նրա կարողությանը

Գողիաթը ծաղրում է նրա արտաքին տեսքը

- **Դավիթի որդիական ինքնությունը «ՏԵՐԸ ԻՄ...»**

Տերը ԻՄ բաժինն է և իմ գավաթը (Սաղ. 16.5)

Տերը ԻՄ ժայռն է, իմ բերդը և իմ ազատիչը... իմ վահանը (Սաղ 18.2)

Տերը ԻՄ Յովիվն է... (Սաղ. 23.1)

Տերը ԻՄ լույսն է և իմ փրկությունը, ումից վախենամ (Սաղ. 27.1)

Տերը ԻՄ զորությունն է և իմ վահանը (Սաղ. 28.7)

Տերն է ԻՄ ժայռը և իմ փրկությունը (Սաղ. 62.2)

Տերը իմ զորությունն է և իմ երգը... (Սաղ. 118.14)

**Դավիթը չէր ասում՝ «ՏԵՐԸ լույս է», Նա ասում էր՝
«ՏԵՐԸ ԻՄ լույսն է»**

**«Նույն սկզբունքը մենք տեսնում ենք նաև Հիսուսի
կյանքում. թշնամու հարձակումը ուղղված էր Նրա
ինքնության դեմ»:**

Եվ ահա երկնքից ձայն լսվեց, որ ասում էր. Դա է իմ սիրելի
որդին, որ ունի իմ բարեհաճությունը (Մատ. 3.17):

Բայց անմիջապես հետո.

փորձիչը, նրան մոտենալով, ասաց. **ԵԹԵ** Աստծու Որդին
ես, ասա՛... (Մատ. 4.3)

Նույն արձագանքը խաչի վրա.

ԵԹԵ Աստծու Որդին ես, իջի՛ր խաչից (Մատ. 27.40):

- **Սատանան ամեն օր նույն կերպ հարձակվում է մեր
ինքնության վրա.**

Նույն ինքը Հոգին վկայում է մեր հոգուն, որ մենք
ԱՍՏԾՈ ՈՐԴԻՆԵՐ ԵՆՔ (Հռոմ. 8.16-17):

II. ՔԱՐ #2 – ԱՂՈԹՔ ԸՆԴԴԵՄ ԹՄՐՈՒԹՅԱՆ (ՀՈԳԱՈՐ ԱՆՏԱՐԲԵՐՈՒԹՅՈՒՆ)

**Շատ աստվածաբաններ նշում են, որ Դավիթի գրած
Սաղմոսներից ավելի քան 50-ը հստակ աղոթքներ են:**

Իրիկուն ու առավոտ և կեսօրին աղոթում եմ ու հառաչում, և նա կլսի իմ ծայնը (Սաղ. 55.17)

Իմ աղաչանքը թափում եմ Նրա առաջ, իմ նեղությունը պատմում եմ Նրանե (Սաղ. 142.2)

Իմ նեղության մեջ Տիրոջը կանչեցի... և Նա լսեց (Սաղ. 18.6)

- **Դավիթը չէր հաղթում հսկաներին հրապարակում, եթե չհաղթեր ծուլությանը իր ծածուկ սենյակում:**

Չկարողացա՞ք մեկ ժամ արթուն մնալ ինձ հետ (Մատ. 26)

- Իսրայելի բանակը ֆիզիկապես զինված էր, բայց հոգևորապես քնած:

III.ՔԱՐ #3 – ՔԱԶՈՒԹՅՈՒՆ ԸՆԴԴԵՄ ՎԱԽԻ (ԱՆՅԱՆԳՍՏՈՒԹՅԱՆ)

48 Եվ երբ փղշտացին վեր կացավ ու գալիս էր Դավթի դեմ և մոտեցավ նրան, Դավիթն էլ արագ վազեց պատերազմի ասպարեզը՝ փղշտացուն դիմավորելու:

Բոլորը նահանջում էին

Դավիթը վազեց դեպի ճակատամարտը

Բ Տիմոթեոս 1.7 – Որովհետև Աստված մեզ վախի հոգի չտվեց, այլ զորության, սիրո և ողջամտության:

Չեսու 1ում «Քաջ եղիր և զորացիր» արտահայտությունը բառացիորեն կրկնվում է մի քանի անգամ...

Չեսու 1.6 – «Քաջ եղիր և զորացիր...»

Չեսու 1.7 – «Միայն թե զորացիր և շատ քաջ եղիր...»

Չեսու 1.9 – Ահա պատվիրում եմ քեզ, զորացիր և քաջ եղիր, մի՛ վախեցիր և մի՛ զարհուրիր, որովհետև քո Տեր Աստվածը քեզ հետ է ամեն տեղ, ուր էլ որ գնաս:

Չեսու 1.18 «...Միայն թե զորացիր և քաջ եղիր»:

- **Չավատքը չի ժխտում վախը, այն հաղթահարում է վախը:**

IV.ՔԱՐ #4 – ՉԱՎԱՏՔ ԸՆԴԴԵՄ ԵՐԿՄՏՈՒԹՅԱՆ

45 Եվ Դավիթն ասաց փղշտացուն. Դու ինձ վրա սրով, նիզակով և տեգով ես գալիս, իսկ ես քեզ վրա գալիս եմ Իսրայելի զորքերի Չորությունների **Տիրոջ՝ Աստծու անունով**, որին դու նախատեսիր...

- **Չավատքը հռչակում է հաղթանակը դեռ մինչ քարն արձակվելը:**

Եբր. 11.6 – Բայց առանց հավատի անկարելի է Աստծուն հաճո լինել, որովհետև Աստծուն մոտեցողը պետք է հավատա, որ նա կա և իրեն փնտրողներին վարձահատույց է լինում:

Ա Յովհաննես 5.4 – որովհետև ամեն ոք, ով Աստուծոց է ծնված, հաղթում է աշխարհին: Սա՛ է այն հաղթությունը, որ աշխարհին հաղթեց, այսինքն՝ **մեր հավատը**:

Հակոբոս 1.6-8 – Միայն թե թող նա հավատով խնդրի, առանց երկմտելու, որովհետև երկմտողը նման է ծովի հողմակոծ ու տատանվող ալիքներին:

V. ՔԱՐ #5 – ՃՇՄԱՐՏՈՒԹՅՈՒՆ ԸՆԴԴԵՄ ՄԵՂԱԴՐԱՆՔՆԵՐԻ

Հով.17.17 – «Քո խոսքը ճշմարտություն է»

Հայտ. 19 – Նրա անունը կոչվում է Աստուծու խոսք... նրա բերանից սուր է ելնում

- **Հիշեք որ Դավիթին մեղադրում էին՝ Հպարտության, Թուլության և Անփորձության մեջ**

Բայց Դավիթը ինքն իրեն չպաշտպանեց այլ ճշմարտությունը նրան պաշպանեղավ:

Սաղմոս 91.4 – Նրա ճշմարտությունը վահան և զրահ է

Մատթեոս 4.4, 7, 10– «Գրված է...» (Հիսուսը ճշմարտությամբ հաղթում է փորձիչին)

Հայտ. 12.11 – «Հաղթեցին... իրենց վկայության խոսքով»

- **Մի՛ վերցրու թշնամու մեղադրանքները անձնական**

«... Գողիաթը կրկնեց իր ասած խոսքերը, և Դավիթը լսեց դրանք» «Ո՞վ է այդ անթլփատ փղշտացին, որ նախատում է կենդանի Աստծու զորքերին»

Դավիթը չասաց. Ինչո՞ւ է նա ինձ նվաստացնում, կամ Ինչո՞ւ է նա ինձ սպառնում

Նա ասաց. «Ո՞վ է նա, որ Աստծուն է նախատում»

V. ԻՆՉՈՒ ՅԻՆԳ ՔԱՐ

Գողիաթն ուներ չորս եղբայր (Բ Թագ. 21.15-22)

Դավիթը պատրաստ էր հաջորդ մարտերին

- Այսօրվա հաղթանակը չի նշանակում վաղվա պայքարի ավարտ:

50 Դավիթը քարով ու պարսատիկով այսպես հաղթեց փղշտացուն, զարկեց փղշտացուն և սպանեց նրան, բայց Դավթի ձեռքին սուր չկար:

Այն Աստվածը, որ ինձ ազատեց անցյալում, կազատի ինձ նաև այսօր: Այս հսկան պիտի մահանա:

ԻՆՉ Է ԱՍՈՒՄ ՍՈՒՐԲ ՅՈԳԻՆ ՔԵՉ ԱՅՍ ՊԱՏԳԱՄԻ ՄԻՋՈՑՈՎ